



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՈՐՈՇՈՒՄ N 1503361

**ԿԱՍԵՑՎԱԾ ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ
ԿԱՐՃԵԼՈՒ ՎԵՐԱԲԵՐՅԱԼ**

29 հոկտեմբերի 2018թ.

ք. Երևան
(կազմման վայրը)

ՀՀ ՊԵԿ իրավաբանական վարչության պետ Ա.Մնացականյանս, քննելով Ա/Ձ Արման Գապոյանի (ՀՎՀՀ 72919189) վերաբերյալ իրականացվող վարչական վարույթի նյութերը.

ՊԱՐԶԵՑԻ

ՀՀ ՊԵԿ ՕՀՎ պետի 23.07.2018թ-ի թիվ 1503361 որոշման համաձայն ձեռնարկված օպերատիվ-հետախուզական միջոցառումների արդյունքում պարզվել է, որ 23.07.2018թ-ին ԵԱՏՄ երկրներից ՀՀ տարածք Արման Գապոյան \$/ա-ի կողմից ներկրվել է 26.000 կգ. ձմերուկ: Հետագայում Արման Գապոյան \$/ա-ը սույն թվականի հուլիսի 30-ին ներկայացրել է ներմուծման հարկային հայտարարագիր Արման Գապոյան Ա/Ձ-ի անունից: 01.08.2018թ-ին համաձայն օպերատիվ-հետախուզական միջոցառումների և Արման Գապոյան Ա/Ձ-ի գրավոր հայտարարության պարզվել է, որ ներկրված 26.000 կգ ձմերուկից 6.000 կգ-ը թափվել է Արման Գապոյան Ա/Ձ-ի կողմից ոչ պիտանի լինելու պատճառով, իսկ մնացած 20.000 կգ-ը իրացվել է Արմավիր մարզ գ.Գայում գտնվող <<Մեյմանդար>> մրգի շուկայում 1 կգ-ը 85 դրամով, ստանալով 1.700.000 ՀՀ դրամ հասույթ, որի համար դուրս չի գրվել համապատասխան հաշվարկային փաստաթուղթ:

Արման Գապոյան Ա/Ձ-ի կողմից խախտվել է ՀՀ հարկային օրենսգրքի 57-րդ հոդվածով նախատեսված ապրանքների մատակարարման կամ տեղափոխության գործարքների փաստաթղթավորման պարտադիր պահանջը, որն առաջացնում է պատասխանատվություն համաձայն նույն օրենսգրքի 410-րդ հոդվածի:

Թիվ 1503361 արձանագրությամբ 02.08.2018թ. հարուցվել է վարչական վարույթ:

Ա/Ձ Արման Գապոյանին 16.08.2018թ. ուղարկվել է թվով 1 ծանուցագիր այն ստանալուց հետո 3-րդ աշխատանքային օրը ներկայանալու պահանջով, որը ետ է վերադարձել <<տեղափոխված>> նշագրումով, այնուհետև 27.08.2018թ-ին Ա/Ձ Արման Գապոյանին կրկին ուղարկվել է ծանուցագիր 31.08.2018թ-ին ժամը 17.00-ին ներկայանալու պահանջով որը ետ է վերադարձել <<տեղում չի>> նշագրումով:

Ինչպես նաև հեռախոսով 23.08.2018թ.-ին և 27.08.2018թ.-ին կապ է հաստատվել Արման Գապոյանի հետ, վերջինս տեղեկացվել է վարչական վարույթի մասին և առաջարկվել է ներկայանալ Իրավաբանական վարչություն՝ լսումներին մասնակցելու համար: 1-ին դեպքում հայտնել է, որ կներկայանա՝ երկուշաբթի օրը/27.08.2018թ.-ին/, երկրորդ դեպքում՝ հաջորդ օրը, սակայն չի ներկայացել:

31.08.2018թ. վարչական վարույթը կասեցվել է մինչև ակտի հասցեատիրոջն ի հայտ բերելը:

06.09.2018թ. Ա/Ձ Արման Գապոյանին հասցեագրվել է վարչական վարույթը կասեցնելու մասին որոշումը և ծանուցագիրը՝ 10.10.2018թ.-ին ներկայանալու և լսումներին մասնակցելու հրավերով, որը 11.09.2018թ. հետ է վերադարձվել տեղափոխված նշագրումով:

ՀՀ ՊԵԿ ԻՎ կողմից ՀՀ ՊԵԿ ՕՀՎ հասցեագրված 20.09.2018թ. թիվ 11-6/[1800211]-18 գրությամբ հայտնվել է, որ Ա/Ձ Արման Գապոյանի վերաբերյալ վարչական վարույթը կասեցվել է մինչև ակտի հասցեատիրոջն ի հայտ բերելը և խնդրվել է վերջինիս հայտնաբերելու մասով աջակցություն ցուցաբերել այն է՝ հնարավորինս սեղմ ժամկետում վերջինիս ծանուցել վարչական վարույթին մասնակցելու համար ներկայանալ Իրավաբանական վարչություն:

ՀՀ ՊԵԿ ՕՀՎ 01.10.2018թ. թիվ 14-3/[1808165]-18 գրությամբ հետագա ընթացքը որոշելու նպատակով՝ Իրավաբանական վարչություն է ուղարկվել փոստային ծառայության միջոցով 03.08.2018թ.-ին Ա/Ձ Արման Գապոյանին ուղարկված և ետ վերադարձված ծրարը՝ արձանագրության և լսումներին ներկայանալու ծանուցագրի պարունակությամբ:

09.10.2018թ. Ա/Ձ Արման Գապոյանին այլ հասցեով կրկին ուղարկվել է ետ վերադարձված արձանագրությունը և լսումներին ներկայանալու ծանուցագիրը, 31.08.2018թ. վարչական վարույթը կասեցնելու մասին որոշումը, որը 15.10.2018թ. վերադարձվել է՝ կրկին տեղափոխված նշագրումով:

22.10.2018թ. հարցում է կատարվել ՀՀ ոստիկանության անձնագրային և վիզաների վարչություն Արման Գապոյանի բնակության հասցեի վերաբերյալ լրացուցիչ տեղեկություններ ստանալու նպատակով, որի վերաբերյալ պատասխանը դեռևս չի ստացվել:

29.10.2018թ. հեռախոսազանգով փորձ է կատարվել կապ հաստատել Արման Գապոյանի հետ, սակայն վերջինս զանգին չի պատասխանել, այնուհետև հետ զանգ է ստացվել՝ զանգահարողը ներկայացել է որպես Արման Գապոյանի եղբայր և հայտնել, որ վերջինս <<խառն>> է, չի կարող հայտնել արդյոք եղբայրը կներկայանա վարույթին թե ոչ, միևնույն ժամանակ հայտնել է, որ ամեն դեպքում տեղյակ կպահի եղբորը, որ վարչական վարույթ է իրականացվում և անհրաժեշտ է ներկայանալ Իրավաբանական վարչություն:

Նկատի ունենալով, որ անհնարին է տվյալ վարույթի արդյունքում ակնկալվող վարչական ակտի ընդունումը մինչև այդ ակտի հասցեատիրոջն ի հայտ բերելը, միաժամանակ վարչական մարմնի կողմից ձեռնարկված համապատասխան միջոցառումների արդյունքում հնարավոր չի եղել ապահովել Ա.Գապոյանի պատշաճ ծանուցումը և մասնակցությունը վարչական վարույթին, ուստի ելնելով վերոգրյալից և ղեկավարվելով ՀՀ <<Վարչարարության հիմունքների և վարչական վարույթի մասին>> ՀՀ օրենքի 49-րդ հոդվածի 3-րդ մասով, 50-րդ հոդվածի 2-րդ մասի <<բ>> կետով. ՊԵԿ նախագահի 16.07.2018թ. N 433-Լ հրամանով.

1.Արման Գապոյան Ա/Ձ-ի վերաբերյալ կասեցված վարչական վարույթը վերսկսել:

2.Արման Գապոյան Ա/Ձ-ի վերաբերյալ 02.08.2018թ-ի թիվ 1503361 արձանագրությամբ հարուցված վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա.ՄՆԱՑԱԿԱՆՅԱՆ